

BERITA ONLINE

ASTRO AWANI

TARIKH : 27 NOVEMBER 2022



Pesakit kanser tahap 4 genggam PhD

Bernama

November 26, 2022 21:54 MYT



Anis Mardiana, 45, kini tidak boleh berdiri dalam tempoh lama akibat daripada penyakit yang dihadapinya. - Gambar/ Bernama

SHAH ALAM: Biar pun disahkan menghidap kanser kolon atau usus tahap empat sejak dua minggu lepas, ia tidak mematahkan semangat Dr Anis Mardiana Abdullah hadir bagi mengambil skrol Ijazah Doktor Falsafah (PhD) pada Konvokesyen ke-95 Universiti Teknologi Mara (UiTM), hari ini.

Anis Mardiana, 45, yang kini tidak boleh berdiri dalam tempoh lama akibat daripada penyakit yang dihadapinya itu, tetap menggagahkan diri untuk berdiri ketika menerima skrol PhD dalam bidang pengangkutan dan logistik daripada Pro-Canselor UiTM, Tengku Permaisuri Selangor, Tengku Permaisuri Norashikin.

Ibu satu anak itu berkata beliau tidak mahu menyusahkan pihak universiti untuk menolaknya di atas kerusi roda, selain mahu cuba bertahan untuk berdiri pada hari bersejarahnya.